

Velferðarnefnd Alþingis.

15. mars 2018

Viðbót við umsögn Landssamtakanna Proskahjálpar um frumvarp til laga um þjónustu við fatlað fólk með miklar stuðningsþarfir. Þingskjal 26 — 26. mál.

Í tengslum við þátttöku í reglugerðarvinnu sem velferðarráðuneytið stýrir og varðar vistun barna teljum við við hjá Proskahjálpar rétt að senda velferðarnefnd Alþingis eftirfarandi tillögu um breytingu á texta í lagafrumvarpinu. Við áréttum þá skoðun og stefnu samtakanna að það eigi ekki að vista börn utan heimilis nema öll önnur úrræði hafi verið fullreynd en það er samt gert og því mjög mikilvægt að tryggja gott eftirlit með vistuninni.

Með vísan til framangreinds óska Landssamtökin Proskahjálpar eftir að eftirfarandi breytingar verði gerðar á frumvarpi til laga um þjónustu við fatlað fólk með miklar stuðningsþarfir:

20. gr.

Heiti greinarinnar verði: Ráðgjöf vegna barna með fjölþættar skerðingar.

Röksemd fyrir breytingu : Heitið samræmist þannig betur efnisatriðum greinarinnar.

21. gr.

Orðað svo í frumvarpinu: Heimilt er að útbúa sérstakt húsnæði fyrir fötluð börn með miklar þroska- og geðraskanir enda hafi verið fullreynt að styðja barn ...

Verði orðað svo: Heimilt er að útbúa sérstakt húsnæði fyrir fötluð börn með fjölþættan vanda enda hafi að mati sérfræðingateymis samkvæmt 20. gr. verið fullreynt að styðja barn ...

Röksemd fyrir breytingu:

Hér er lagt til að fötluð börn verði ekki vistuð nema það sé mat sérfræðiteymis að fullreynt sé að öðrum úrræðum sem duga sé ekki til að dreifa

Núverandi orðalag greinar um að aðkoma sérfræðiteymis takmarkist við tiltekinn hóp fatlaðra barna skapar óvissu um hvernig staðið sé / verði að hugsanlegri vistun barna sem ekki tilheyra þeim hópi. Nú eru fötluð börn sem ekki eru með þessa tilteknu samsettu fötlun vistuð. Eðlilegra er að ástand og þarfir barnsins séu ávallt það sem ræður þegar ákvörðun er tekin um vistun barna og ekkert barn sé vistað án þess að sérfræðingar telji fullreynt að það sé óhjákvæmilegt.

Virðingarfyllst,

f. h. Landssamtakanna Proskahjálpar,

Bryndís Snæbjörnsdóttir, formaður